

## Izvještaj o radu Uprave policije MUP-a Kantona Sarajevo za mjesec januar 2022. godine

### KRIMINALITET

#### STATISTIČKI POKAZATELJI

U mjesecu januaru 2022. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 314 događaja sa obilježjem krivičnog djela (što je 68 ili 17,8% manje u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 149 ili 47,5% je evidentirano po poznatom izvršiocu, a 165 ili 52,5% po nepoznatom izvršiocu.

Od ukupno 165 događaja sa obilježjem krivičnog djela evidentiranih po nepoznatom izvršiocu, naknadno su rasvijetljena 34 ili 20,6% (što je za 2,2% manje u odnosu na uporedni mjesec) od čega je osam koji su evidentirani u mjesecu januaru, a 26 je iz ranijeg perioda.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 149 obavijesti (74 manje) o događajima u kojima je pričinjena neznatna materijalna šteta

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JANUARU 2022/21. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
<b>JANUAR 2022. GODINE</b>	<b>314</b>	<b>149</b>	<b>165</b>	<b>34</b>	<b>26</b>	<b>181</b>	<b>5</b>	<b>106</b>	<b>42</b>	
JANUAR 2021. GODINE	382	176	206	47	33	213	10	129	96	
uporedba	+/-	-68	-27	-41	-13	-7	-32	-5	-23	-54
	%	-17,8%	-15,3%	-19,9%	-27,7%	-21,2%	-15%	50%	-17,8%	-56,3%

U toku mjeseca januara ove godine prijavljeno je 181. lice (32 manje), 106 povratnika (23 manje) (ili 58,6% od ukupnog broja prijavljenih lica), pet maloljetnika (pet manje), a 42 lica su lišena slobode (54 manje).

Za događaje sa obilježjem krivičnog djela, koji su evidentirani u mjesecu januaru 2022. godine, prema izjavama oštećenih lica, nastupila je materijalna šteta u ukupnom iznosu od 790.620,19 KM i 600 € (u januaru prethodne godine iznosila je 499.338,73 KM).

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU JANUARU 2022/21. GODINE  
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	JANUAR 2022. GODINE	JANUAR 2021.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv ustavnog poretka Federacije	<b>1</b>	0	1	---	1	0	0	---
Protiv života i tijela	<b>27</b>	22	5	22,7%	26	1	2	200%
Protiv slobode i prava čovjeka i građanina	<b>24</b>	25	-1	-4%	22	2	0	0%
Protiv spolne slobode i morala	<b>0</b>	3	-3	---	0	0	0	---
Protiv braka, porodice i mladeži	<b>18</b>	17	1	5,9%	18	0	0	---
Protiv zdravlja ljudi	<b>24</b>	29	-5	-17,2%	24	0	0	---
Protiv privrede	<b>0</b>	3	-3	---	0	0	0	---
Protiv imovine	<b>194</b>	234	-40	-17,1%	35	159	32	20,1%
Protiv okoliša	<b>1</b>	0	1	---	1	0	0	---
Protiv opće sigurnosti ljudi i imovine	<b>6</b>	15	-9	-60%	3	3	0	0%
Protiv sigurnosti javnog prometa	<b>3</b>	8	-5	-62,5%	3	0	0	---
Protiv pravosuđa	<b>0</b>	3	-3	----	0	0	0	---
Protiv javnog reda i pravnog prometa	<b>9</b>	15	-6	-40%	9	0	0	---
Protiv podmičivanja i KD protiv služb...	<b>2</b>	2	0	isto	2	0	0	---
Protiv sistema elektronske obrade podat...	<b>0</b>	1	-1	----	0	0	0	---
ZONDINOIM-a (Sl.novine KS br.01/18)	<b>5</b>	5	0	isto	5	0	0	---
UKUPNO	<b>314</b>	382	-68	-17,8%	149	165	34	20,6%

U mjesecu januaru 2022. godine u odnosu na isti mjesec prethodne godine, zabilježeno je značajno smanjenje broja registrovanih događaja sa obilježjem krivičnog djela za 68 ili 17,8%. Smanjenje je zabilježeno u oblastima protiv imovine (za 40 događaja), javnog reda i pravnog prometa (za šest), zdravlja ljudi (za pet), itd., dok je povećanje evidentirano u oblasti protiv života i tijela (za pet događaja), braka, porodice i mladeži (za jedan), itd.

**PREGLED DOGAĐAJA SA OBILJEŽJEM KRIVIČNOG DJELA PO OBLASTIMA**

**PROTIV ŽIVOTA I TIJELA**

Tokom januara 2022. godine evidentirano je 27 događaja sa obilježjem krivičnog djela iz oblasti protiv života i tijela (pet više u odnosu na januar 2021. godine) i to 26 po poznatom i jedan po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - dva (nije bilo ovih događaja u januaru prethodne godine),
- teška tjelesna ozljeda (član 172. KZ FBiH) – pet (pet manje),
- lahka tjelesna ozljeda (član 173. KZ FBiH) – 20 (devet više).

Svi prijavljeni događaji iz ove oblasti su tokom mjeseca januara rasvijetljeni kao i jedan događaj evidentiran u ranijem periodu, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 38 lica, od koji je 18 povratnika ili 47,4%, a tri su lišena slobode.

#### PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 24 događaja sa obilježjem krivičnog djela (jedan manje) i to: ugrožavanje sigurnosti, za koja su prijavljena 24 lica, od kojih je 12 povratnika (ili 50%), a dva su lišena slobode.

Događaji sa obilježjem krivičnog djela ugrožavanja sigurnosti evidentirani su, a u kojima su izvršioци upućivanjem verbalnih prijetnji, pisanih – prijetećih poruka i sl. ugrozili sigurnost oštećenih lica.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu januaru evidentirano je 18 događaja sa obilježjem krivičnog djela (jedan više) i to: nasilje u porodici – 17 i izbjegavanje izdržavanja – jedan događaj, za čije izvršenje je prijavljeno 18 lica, od kojih je deset povratnika (ili 55,6%), a devet lica je lišeno slobode.

#### PROTIV ZDRAVLJA LJUDI

Evidentirana su 24 događaja sa obilježjem krivičnog djela iz oblasti protiv zdravlja ljudi (pet manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 25 lica, među kojima je 18 povratnika (ili 72%), a osam lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv šest lica zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 19 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

#### PREGLED ODUZETE KOLIČINE OPOJNIH DROGA U MJESECU JANUARU 2022/21. GODINE

vrsta opojne droge	JANUAR 2022. godine	JANUAR 2021. godine
Marihuana (u gramima)	910,435	145,874
Marihuana (paketići)	8	34
Speed (u gramima)	3,39	701,883
Heroin (u gramima)	---	13
Hašiš (paketići)	1	---
Ecstasy (tablete kom.)	14	---
Amfetamin (u gramima)	621,412	17,033
Speed (paketići)	2	---
pribor sa ostacima droge	5	2

#### 1.2.5. PROTIV IMOVINE

U ovom mjesecu, evidentirana su 194 događaja sa obilježjem krivičnog djela protiv imovine (35 po poznatom i 159 po nepoznatom izvršioци) što je za 40 ili 17,1% manje u odnosu na isti mjesec prošle godine. Iz ove oblasti evidentirani su slijedeći događaji sa obilježjem krivičnog djela:

- o teška krađa (član 287. KZ FBiH) – 96 (tri više),

- krađa (član 286. KZ FBiH) – 50 (22 manje),
- razbojništvo (član 289. KZ FBiH) – 11 (20 manje),
- oštećenje tuđe stvari (član 293. KZ FBiH) – 18 (dva više),
- prijevarena (član 294. KZ FBiH) – pet (dva više), itd.

Nadležnom tužilaštvu podneseni su službeni izvještaji protiv 46 lica, od kojih je 35 povratnika (ili 76,1%), a devet je lišeno slobode.

Od ukupno 159 događaja evidentiranih po nepoznatom izvršiocu iz oblasti protiv imovine naknadno su rasvijetljena 32 ili 20,1% što je za 0,4% manje u odnosu na januar 2021. godine.

Prema objektima izvršenja teških krađa, 27 je izvršeno u stambene objekte (17 manje u odnosu na uporedni mjesec), 19 u poslovne objekte (jedna više), 19 u motorna vozila (otuđenja motornih vozila i “provale” u ista) (dvije više), 14 na ulici (šest više), itd.

U toku mjeseca januara ove godine otuđenja su četiri motorna vozila (isti broj kao u januaru prošle godine), a vraćeno je ukupno šest vozila od čega je pet bilo otuđeno u ranijem periodu.

Evidentirano je 50 događaja sa obilježjem krivičnog djela krađe (22 manje) i to na ulici – 20, u poslovnim prostorijama i u stambenim objektima – po devet, u vozilima i na stajalištima GRAS-a – osam, itd. odakle su otuđivani novčanici, mobiteli, prehrambeni proizvodi, auto-dijelovi, itd.

Evidentirano je 12 događaja sa obilježjem krivičnog djela teških krađa na naročito opasan ili naročito drzak način (šest više), u kojima su izvršiocu, upotrebom fizičke snage (otimanjem i trganjem) u devet i prijetnjom u tri slučaja otimali mobitele, nakit i tašne, a evidentirani su: na ulici i u prodavnicama – po četiri puta, u tramvaju, haustoru zgrade, apoteci i sportskoj kladionici - po jdnom. Nadležnom tužilaštvu podneseni su službeni izvještaji protiv jednog lica povratnika u činjenju krivičnih djela.

U mjesecu januaru ove godine evidentirano je 11 događaja (jedan po poznatom i deset po nepoznatom izvršiocu) sa obilježjem krivičnog djela razbojništva (20 manje.). Nadležnom tužilaštvu podneseni su službeni izvještaji protiv pet lica, povratnika u činjenju krivičnih djela, koji su lišeni slobode.

Od ukupno deset događaja razbojništva evidentiranih po nepoznatom izvršiocu, naknadno je rasvijetljeno osam ili 80% (što je za 33,6% više u odnosu na uporedni mjesec).

Razbojništva su izvršena prijetnjom upotrebe vatrenog oružja - tri puta, prijetnjom upotrebe noža ili drugog oštrog predmeta – pet i upotrebom fizičke snage – tri puta, a počinjena su na ulici – pet, u poslovnim prostorijama – tri, apoteci - dva i na benzinskoj pumpi – jedno. Otušivan je novac, mobiteli i nakit.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je šest događaja (devet manje) – izazivanje opće opasnosti – četiri, nesavjesno čuvanje pasa i drugih opasnih životinja i teška krivična djela protiv opće sigurnosti ljudi i imovine – po jedan događaj, a nadležnom tužilaštvu podneseni službeni izvještaji protiv tri lica i jedno je lišeno slobode. Događaji sa obilježjem krivičnog djela izazivanje opće opasnosti izvršeni su na otvorenom prostoru, pri čemu je tri puta otvorenim plamenom izazvan požar i u jednom slučaju je pucano iz vatrenog oružja. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je devet događaja sa obilježjem krivičnog djela (šest manje) i to: nasilničko ponašanje - četiri, nedozvoljeno držanje oružja ili eksplozivnih materija – tri i krivotvorenje isprave – dva događaja.

Nadležnom tužilaštvu podneseni su službeni izvještaji protiv 17 lica od kojih je sedam povratnika (ili 41,2%).

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu januaru 2022. godine evidentirano je šest događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2021. godine smanjen je broj maloljetnih lica za pet ili 50%, a broj događaja sa obilježjem krivičnog djela smanjen za četiri ili 40%. Prijavljeni maloljetnici su u dobi do 16 godina – tri i od 16 do 18 godina – dva.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JANUARU 2022/2021. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
<b>JANUAR 2022. GODINE</b>	<b>6</b>	<b>5</b>
JANUAR 2021. GODINE	10	10
<i>uporedba</i>	<i>-4 ili 40%</i>	<i>-5 ili 50%</i>

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JANUARU 2022/2021. GODINE

događaji sa obilježjem krivičnog djela (KZ FBiH)	januar 2022.	januar 2021.
Ubistvo	1	---
Teška tjelesna ozljeda	1	1
Lahka tjelesna ozljeda	2	3
Ugrožavanje sigurnosti	---	1
Neovlaštena proizvodnja i stavljanje u promet opojnih droga	---	1
Nasilje u porodici	1	---
Teška krađa	---	1
Razbojništvo	---	1
Teška krivična djela protiv opće sigurnosti ljudi i imovine	1	---
Teška krivična djela protiv sigurnosti javnog prometa	---	1
ZONDINOIM	---	1
<b>UKUPNO</b>	<b>6</b>	<b>10</b>

OSTALA PROTIVPRAVNA I ASOCIJALNA PONAŠANJA

. AKTIVIRANJE MINSKO-EKSPLOZIVNIH SREDSTAVA

U toku mjeseca januara 2022. godine na području Kantona Sarajevo nije bilo evidentiranih događaja aktiviranja minsko-eksplozivnih sredstava (jedan u januaru 2021. godine).

U toku januara 2022. godine evidentiran je jedan slučaj anonimne dojave o postavljanju eksplozivne naprave na području općine Centar (nije bilo događaja u januaru 2021. godine). Nakon KDZ pregleda utvrđeno je da je dojava bila lažna.

POŽARI

Tokom mjeseca januara 2022. godine, na području Kantona Sarajevo registrovano je 16 požara (tri više u odnosu na isti mjesec prethodne godine), u kojima je jedno lice poginulo. Prema statističkim pokazateljima, četiri požara su izazvana namjerno, četiri nehatom, jedan zbog tehničkih nedostataka, dok uzroci sedam požara spadaju u kategoriju ostalih.

Požari su registrovani u:

- Stambenom objektu - sedam puta,
- Saobraćajnom sredstvu - pet,
- Pomoćnom objektu - jednom,
- Ostalim objektima - tri puta.

Zbog izazivanja požara nadležnom tužilaštvu podneseno je pet službenih izvještaja: tri iz člana 323 KZ FBiH (izazivanje opće opasnosti), dva iz člana 301 KZ FBiH (paljevina) i jedan iz člana 328 KZ FBiH (teška krivična djela protiv opće sigurnosti ljudi i imovine).

#### SAMOUBISTVA

U mjesecu januaru 2022. godine na području Kantona Sarajevo registrovano je pet samoubistava (jedno više), koja su izvršena: vješanjem, upotrebom vatrenog oružja, upotrebom oštrog predmeta, trovanjem i skakanjem sa visine.

Svi izvršioци su muškarci starosne dobi: 27, 33, 50, 51. i 68 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su četiri puške, dva pištolja i 201 komad municije različitog kalibra.

U mjesecu januaru ove godine fizičkim licima izdato je 131. odobrenje za nabavku vatrenog oružja i 96 oružnih listova.

#### JAVNI RED I MIR

U toku mjeseca januara 2022. godine u oblasti protiv javnog reda i mira evidentirana su 252 prekršaja (586 ili 69,9% manje u odnosu na isti mjesec 2021. godine), a za izvršenje navedenih prekršaja prijavljena su 272 lica (573 ili 67,8% više), od čega su 82 povratnika u činjenju prekršaja.

Zbog učinjenih prekršaja u oblasti protiv javnog reda i mira izdato je 195 naloga i podneseno je 57 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 245 prekršaja (ili 97,2%), a na prekršaje koji su utvrđeni Odlukom općinskih vijeća o javnom redu i miru sedam (ili 2,8%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi preko 36 godina (133), između 26 i 35 godina (105) i između 19 i 25 godina (34).

Prilikom narušavanja javnog reda i mira u mjesecu januaru 2022. godine, nije bilo teže povrijeđenih lica (isto kao u januaru 2021. godine), dok je sedam lica (dva manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC JANUAR 2022/2021.GODINA

PREKRŠAJI IZ ZAKONA O JRIM:	JANUAR 2022.	JANUAR 2021.	+ - %
<i>-Tuče</i>	19	9	+10 ili 111,1%
<i>-Naročito drsko ponašanje</i>	30	26	+4 ili 15,4%
<i>-Odbijanje naređenja i omalovaž. pol. služb.</i>	22	77	-55 ili 71,4%
<i>-Prosjačenje</i>	115	121	-6 ili 4,9%
<i>-Svađa, vika, nepristojno ponašanje</i>	8	10	-2 ili 20%
<i>-Paljenje petardi</i>	8	2	+6 ili 300%
<i>-Uživanje opojne droge na javnom mjestu</i>	8	3	+5 ili 166,7%
<i>-Ostali prekršaji iz Zakona o JRiM</i>	35	569	-534 ili 93,8%
Prekršaji prema Odluci općinskog vijeća o JRiM	7	21	-14 ili 66,7%
ukupno	252	838	-586 ili 69,9%

Iz tabelarnog pregleda vidljivo je, da je tokom mjeseca januara 2022. godine, u odnosu na januar prethodne godine prema strukturi prekršaja povećan broj:

- tuča za 10 ili 111,1%,
- paljenja petardi za šest ili 300%,
- uživanja opojne droge na javnom mjestu za pet ili 166,7%,
- naročito drskog ponašanja za četiri ili 15,4%.

dok je smanjen broj:

- ostalih prekršaji za 534 ili 93,8%,
- odbijanja naređenja i omalovažavanja policijskih službenika za 55 ili 71,4%,
- prekršaja koji su regulisani Odlukom općinskih vijeća za 14 ili 66,7%,
- prosjačenja za šest ili 4,9%,
- svađe, vike, nepristojnog ponašanja za dva ili 20%.

Prema vrsti prekršaja, najbrojniji su sljedeći prekršaji: prosjačenje (115 ili 45,6% od ukupnog broja), naročito drsko ponašanje (30 ili 11,9%), odbijanje naređenja i omalovažavanje policijskih službenika (22 ili 8,7%), tuče (19 ili 7,5%), svađa, vika, nepristojno ponašanje (osam ili 3,2%), paljenje petardi (osam ili 3,2%) i uživanje opojne droge na javnom mjestu (osam ili 3,2%). Takođe, evidentirano je 35 prekršaja iz kategorije ostali prekršaji i sedam prekršaja koji su regulisani Odlukom općinskih vijeća.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (232 ili 92,1% od ukupnog broja), a znatno manje u ugostiteljskim objektima – osam, u trgovinama i zanatskim radnjama – dva i na sportskim stadionima i dvoranama – jedan, a na ostalim mjestima devet prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JANUAR  
2022/2021. GODINE

MJESTO IZVRŠENJA	JANUAR 2022.	JANUAR 2021.	+ - %
Ugostiteljski objekti	8	4	+4 ili 100%
Ulice i drugi otvoreni prostori	232	810	-578 ili 71,3%
Sportski stadioni i dvorane	1	---	+1
Vozila javnog saobraćaja	---	---	---
Škole i školska dvorišta	---	---	---
Trgovine i zanatske radnje	2	1	+1 ili 100%
Ostala mjesta	9	23	-14 ili 60,9%
UKUPNO	252	838	-586 ili 69,9%

U odnosu na isti mjesec 2021. godine, smanjen je broj prekršaja evidentiranih na ulici i drugim otvorenim prostorima za 578 ili 71,3% i na ostalim mjestima za 14 ili 60,9%, dok je povećan broj prekršaja u ugostiteljskim objektima za četiri ili 100%, na sportskim stadionima i dvoranama i u trgovinama i zanatskim radnjama za jedan.

Na području Kantona Sarajevo u mjesecu januaru 2022. godine održano je 45 javnih skupova (šest ili 11,8% manje u odnosu na mjesec januar 2021. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 29 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu januaru 2022. godine registrovano je 528 saobraćajnih nezgoda (106 ili 16,7 % manje), od čega je 456 sa materijalnom štetom (130 ili 22,2 % manje) i 72. sa nastradalim licima (24 ili 50 % više).

U navedenim saobraćajnim nezgodama jedno lice je poginulo (isto kao u januaru prošle godine), dok je 91. lice povrijeđeno (35 ili 62,5 % više) od čega 11 teže i 80 lakše.

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JANUARU 2022./21. GODINE

	januar 2022.	januar 2021.	uporedba
UKUPNO SAOBRAĆAJNIH NEZGODA	528	634	- 106 ili 16,7 %
Saobraćajne nezgode sa nastradalim licima	72	48	+ 24 ili 50 %
Saobraćajne nezgode sa materijalnom štetom	456	586	- 130 ili 22,2 %
POGINULO LICA	1	1	-----
- vozači	0	0	-----
-putnici	0	0	-----
- pješaci	1	1	-----
POVRIJEĐENO LICA	91	56	+ 35 ili 62,5 %
- vozači	47	23	+ 24 ili 104,3 %
- putnici	28	13	+ 15 ili 115,4 %
- pješaci	16	20	- 4 ili 20 %

U naselju je registrovana 471. saobraćajna nezgoda (jedna sa poginulim, 59 sa povrijeđenim licima i 411 sa materijalnom štetom), van naselja 57 nezgoda (12 sa povrijeđenim licima i 45 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JANUARU 2022. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	8	51	411	<b>471</b>	1	8	64
van naselja		2	10	45	<b>57</b>		3	16



UKUPNO	1	10	61	456	528	1	11	80
--------	---	----	----	-----	-----	---	----	----

Prema kategoriji puta, najveći broj saobraćajnih nezgoda registrovan je:

- na ulicama u naselju -387 nezgoda u kojima je 46 lica nastradalo (jedno lice poginulo, 45 lica povrijeđeno, pet teže i 40 lakše),
- na magistralnim putevima - 56 nezgoda u kojima je 25 lica povrijeđeno (troje teže i 22. lakše),
- na lokalnim putevima - 50 (10 lica lakše povrijeđeno),
- na regionalnim putevima - 10 (osam lica povrijeđeno, troje teže i pet lakše),
- na putevima koji se ubrajaju u kategoriju ostalih - 25 nezgoda u kojima su tri lica lakše povrijeđena.

#### POSLJEDICE SAOBRAĆAJNIH NEZGODA

Tokom mjeseca januara 2022. godine, u saobraćajnim nezgodama na području Kantona Sarajevo 92 lica su nastradala (35 ili 61,4 % više). Jedno lice je poginulo (isto kao u januaru prošle godine), dok je 91. lice povrijeđeno (35 ili 62,5 % više), od čega 11 teže (dva ili 22,2 % više) i 80 lakše (33 ili 70,2 % više).

#### LICA POVRIJEĐENA U SAOBRAĆAJNIM NEZGODAMA

Od ukupno 91. povrijeđenog lica u mjesecu januaru 2022. godine evidentirano je: 47 vozača (tri teže i 44 lakše), 28 putnika (dva teže i 26 lakše) i 16 pješaka (šest teže i 10 lakše).

Starosna struktura nastradalih lica u saobraćajnim nezgodama je slijedeća:

- od 10 do 17 godina - pet lica,
- od 18 do 20 godina - šest,
- od 21 do 24 godine - 12,
- od 25 do 30 godina - 12,
- od 31 do 40 godina - 22,
- od 41 do 50 godina - 10,
- od 51 do 65 godina - 18,
- 66 i više godina - sedam lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – 12 lica,
- od 23 do 30 godina - sedam,
- od 30 do 40 godina - 14,
- od 40 do 50 godina - osam,
- od 50 do 60 godina - pet,
- 60 i više godina - jedno lice.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 117 (jedno lice poginulo, 31. povrijeđeno, jedno teže i 30 lakše),
- uticaj alkohola - četiri (jedno lice lakše povrijeđeno),
- klizav put - tri (šest lica povrijeđeno, četiri teže i dva lakše),

- odron na putu - jedna saobraćajna nezgoda (bez nastradalih lica) i
  - ostali uzroci - 403 (53 lica povrijeđena, šest teže i 47 lakše).
- AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca januara 2022. godine, policijski službenici Uprave policije MUP-a Kantona Sarajevo kontrolisali su:

- 18.049. vozila i vozača (3.412 više),
- 4.209 lica u vozilima (464 manje),
- pregledali 195 vozila (24 više) i 846 lica u vozilima (714 više).

Zbog tehničke neispravnosti iz saobraćaja su isključena 54 vozila (15 više), 365 vozača je zatečeno da upravljaju vozilom pod dejstvom alkohola (232 više), 438 lica bez korištenja sigurnosnog pojasa (219 više), 141 vozač bez položenog vozačkog ispita (16 manje), 65 vozača pod izrečenom zaštitnom mjerom (osam više), 349 vozača je zatečeno da koriste mobitel tokom vožnje (83 više) i 489 vozila koja su učestvovala u saobraćaju bez važeće registracije (336 više).

Zbog kršenja propisa iz oblasti sigurnosti saobraćaja uručeno je 18.587 prekršajnih naloga vozačima (6.618 ili 55,3 % više u odnosu na januar prošle godine) i podneseno 320 zahtjeva za pokretanje prekršajnog postupka (164 ili 105,1 % više).

#### MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca januara 2022. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 9.498 prekršajnih naloga (2.471 više), upozoreno je 245 vozača (10 više), a specijalnim vozilom "pauk" premješteno je 118 vozila (31 više).

Takođe, pješacima koji su kršili propise uručena su 104 prekršajna naloga (32 manje), a upozoreno je devet pješaka (16 manje).

#### ZAKONITOST U RADU

Tokom mjeseca januara 2022. godine, nisu registrovani napadi na policijske službenike Uprave policije MUP-a KS. U istom mjesecu prošle godine registrovana su dva napada.

Takođe, nisu registrovani slučajevi upotrebe sile (u istom mjesecu prošle godine registrovan su tri slučaja opravdane upotrebe sile).

Razmatrano je 36 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 16 predstavki (jedna manje) provede unutrašnja istraga, za 19 predstavki je odlučeno da se izvrše provjere i prikupi dokumentacija, dok se za jednu predstavku Odbor proglasio nenadležnim.

Od 36 razmatranih predstavki, 27 je podneseno od strane građana, dok devet predstavki predstavljaju saznanja iz službe.

Okončano je 14 unutrašnjih istraga, od čega je sedam neosnovanih, četiri su osnovane, dok u tri slučaja nije bilo dovoljno dokaza.

#### RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Zbog zimskog raspusta nisu organizovane edukativne radionice u školama, a iste ce biti nastavljene u drugom polugodištu tekuće godine.

Policajci u zajednici Uprave policije MUP-a Kantona Sarajevo su ostvarivali kontakte sa građanima iz reda romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela.

Preduzimane su aktivnosti, mjere i radnje, vezane za pandemiju „Koronavirusa“ (COVID-19). Konstantno je vršen obilazak lica kojima je od strane Kantonalne uprave za inspeksijske poslove izrečena mjera ograničenog kretanja („kućni karantin“).

Kontinuirano je vršen obilazak ugostiteljskih objekata u cilju kontrolisanja ograničenja rada istih.

Vršen je obilazak JU „Dom zdravlja Kantona Sarajevo“, pri čemu je posebna pažnja posvećena obilasku trijažnih punktova i kontakta sa dežurnim medicinskim osobljem, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.

## **6. MIGRANTI**

Na osnovu Izvještaja Operativnog tima za pitanja migranata, a prema podacima International Organization for Migration (IOM-a) na području Kantona Sarajevo u prihvatnim, azilantskim i imigracionim centrima boravi cca 1.141 migrant (što je za 2.842 ili 71,4% manje u odnosu na januar 2021. godine).

U mjesecu januaru 2022. godine migranti su učestovali u dva događaja sa obilježjem krivičnog djela (15 ili 88,2% manje) i to:

- Krađa (čl. 286 KZ FBiH) i
- Razbojništvo (čl. 289 KZ FBiH) – po jedan događaj.

Tokom mjeseca januara 2022. godine, službenici policije proveli su dvije akcije, kontrolisali su 56 migranata, od čega deset nije posjedovalo registracijski obrazac, osam je predato službi za poslove sa strancima radi registracije i 18 migranata je smješteno u prihvatne centre na području Kantona Sarajevo.

<b>MJESEC JANUAR 2022. GODINE</b>	<b>KANTON SARAJEVO</b>
UKUPAN BROJ MIGRANATA KOJI BORAVI NA PODRUČJU KANTONA SARAJEVO (SLOBODNA PROCJENA I PODACI IOM-a)	1.141
UKUPAN BROJ KONTROLISANIH MIGRANATA	56
BROJ MIGRANATA LIŠENIH SLOBODE	2
BROJ KRIVIČNIH DJELA POČINJENIH OD STRANE MIGRANATA	2
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	8
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	26

**Sarajevo, 14.02.2022. godine**

**Odjeljenje za odnose s javnošću**